

SURAT PEKELILING PENTADBIRAN BIL. 7/2008

PENETAPAN BEBAN AKADEMIK MAKSIMUM STAF AKADEMIK UTeM

1.0 TUJUAN

Surat Pekeliling ini adalah bertujuan untuk memaklumkan mengenai keputusan Mesyuarat Senat Bil. 4/2008 yang bersidang pada 9 April 2008 berkenaan dengan Penetapan Beban Akademik Maksimum Staf Akademik UTeM. Penetapan Beban Akademik Maksimum bagi staf akademik ini adalah penting khususnya bagi pelaksanaan bayaran syarahan akademik sambilan sepertimana yang digariskan di dalam Pekeliling Pentadbiran Bilangan 7/2001.

2.0 LATAR BELAKANG

- 2.1 UTeM telah mewujudkan Skim Pensyarah Sambilan melalui Pekeliling Pentadbiran Bil.7/2001 yang bertarikh 3 September 2001. Pekeliling ini menggariskan syarat pelantikan, syarat bayaran serta elaun dan kemudahan yang boleh dinikmati oleh seseorang Pensyarah Sambilan.
- 2.2 Skim Pensyarah Sambilan tersebut juga terpakai kepada staf akademik UTeM yang dilantik sebagai Pensyarah Sambilan untuk memberikan syarahan akademik sambilan di Fakulti / Pusat / Institut yang lain. Merujuk kepada Perenggan 5 Pekeliling Pentadbiran Bil. 7/2001, staf akademik tersebut boleh dibayar elaun dan menikmati kemudahan yang diberikan **dengan syarat Dekan Fakulti / Pusat / Institut telah memastikan dan mengesahkan bahawa beban Pensyarah Sambilan yang dilantik tersebut benar-benar telah melebihi beban akademik maksimum sebagaimana yang ditetapkan oleh Universiti.**

3.0 PELAKSANAAN

- 3.1 Bagi melicinkan urusan pelantikan dan pembayaran mengikut Skim Pensyarah Sambilan ini, Mesyuarat Senat Bil. 4/2008 pada 9 April 2008 telah mempersetujui bahawa **jumlah beban akademik maksimum bagi staf akademik adalah lapan belas (18) jam pertembungan seminggu untuk sesuatu semester**. Beban akademik maksimum seminggu dalam sesuatu semester ini adalah didasarkan kepada pengendalian dua (2) mata pelajaran lazim dengan tiga (3) jam kredit yang mempunyai pelajar seramai enam puluh (60) orang.
- 3.2 Dengan demikian, bagi melayakkan Pensyarah Sambilan dari kalangan staf akademik UTeM yang dilantik tersebut menerima elaun serta lain-lain kemudahan yang dimaksudkan oleh Pekeliling Pentadbiran Bil. 7/2001, beliau hendaklah terlebih dahulu telah mempunyai jumlah beban maksimum lapan belas (18) jam pertembungan seminggu untuk sesuatu semester. **Bayaran elaun dan kemudahan Pensyarah Sambilan hanya boleh dinikmati jika pelantikan sebagai Pensyarah Sambilan tersebut menyebabkan jumlah beban beliau meningkat melebihi lapan belas (18) jam pertembungan seminggu untuk sesuatu semester yang berkenaan**. Untuk tujuan ini, Dekan Fakulti / Pusat / Institut hendaklah memastikan dan mengesahkan bahawa beban staf akademik yang dilantik tersebut benar-benar telah melebihi beban akademik maksimum yang ditetapkan oleh Universiti.
- 3.3 Penetapan jumlah beban akademik maksimum bagi staf akademik oleh Universiti ini seperti mana yang disebutkan di atas, tidak menjejaskan lain-lain peruntukan Pekeliling Pentadbiran Bil. 7/2001 dan ianya hendaklah dibaca bersekali dengan Surat Pekeliling Pentadbiran ini.

Sekian, harap maklum.

“KOMPETENSI TERAS KEGEMILANGAN”

Saya yang menurut perintah



HASAN BIN SIRUN

Pendaftar

sk Naib Canselor
 Timbalan Naib Canselor (Akademik dan Antarabangsa)
 Timbalan Naib Canselor (Penyelidikan dan Inovasi)
 Pegawai-pegawai Kanan